



Sticanje/stjecanje austrijskog državljanstva

Austrijsko državljanstvo se načelno stiče:

A. por/ij/eklom ili **B. dod/j/elom**

A. por/ij/eklom

Državljanstvo stiču **rođenjem**:

- bračna d/j/eca, ako je jedan od roditelja austrijski državljanin i
- vanbračna d/j/eca, ako je majka austrijski državljanin

Vanbračna d/j/eca očeva austrijskih državljana stiču državljanstvo nakon sklapanja braka roditelja.

B. dod/j/elom

Za dod/j/elu austrijskog državljanstva potrebno je ispuniti sljedeće osnovne uvjete/uslove:

- pozitivan stav prema Republici Austriji, neugrožavanje javnog reda, mira i sigurnosti ili nepostojanje bliske veze s terorističkim i ekstremističkim grupama;
- da podnosilac **zaht/j/eva nije kažnjava**n (nepostojanje pravosnažnih sudskih presuda, da se protiv njega **ne vodi kazneni postupak** u Austriji i u inozemstvu/inostranstvu, i da ne postoje teški prekršaji po upravnom postupku)
- nepostojanje **zabrane boravka** u Austriji, nepostojanje pokrenutog postupka za zabranu boravka, zabranu ulaska ili prot/j/erivanja u zadnjih 18 mjeseci;
- **otput iz dosadašnjeg državljanstva**, osim ako to nije moguće tj. nedopustivo, ili ako se radi o posebnim slučajevima kada je to dozvoljeno
- dovoljna i **osigurana sredstva za život** (u visini sm/j/ernica za najniže penzije) bez korištenja socijalne pomoći u posl/j/ednje 3 godine; **Pažnja:** Suma redovnih izdataka – stanarina, krediti, egzekucije i alimentacije – koja prelazi € 260,35 (2012), dodatno povećava propisani minimum!
- dokaz o znanju **njemačkog jezika B1*** (za zahtjeve podnete pre 30.6.2011 dovoljno je znanje na nivou A2)
- dokaz o **poznavanju (ispit) demokratskog uređenja Austrije i povijesti/istorije Austrije i određene pokrajine.**

Napomena:

*Znanje njemačkog jezika mora biti dokazano certifikatima priznatih jezičnih instituta. Poznavanje demokratskog uređenja Austrije i određene savezne pokrajine se dokazuje ispitom kod nadležne vlasti za dod/j/elu državljanstva. Za pripremu ispita postoje skripte za učenje. Ispit se sastoji iz ukupno 18 pitanja (po 6 pitanja iz 3 oblasti). Postoji više mogućnosti odgovora na pitanja. Za uspjeh na ispitu potrebno je dati 3 ispravna odgovora iz svake oblasti, ili ukupno 12 od svih 18 pitanja (ponavljanje ispita je moguće).

Pojedine osobe ne moraju dokazivati znanje njemačkog jezika. Oni su od ove obaveze ili izuzeti (npr. djeca predškolskog uzrasta, osobe u visokoj starosti i osobe lošeg zdravstvenog stanja) ili su obavezu ispunili (npr. pohađanjem javne osnovne škole, priznate sekundarne škole i iz „njemačkog“ imali pozitivnu ocjenu).

Dod/j/ela državljanstva na osnovu proc/j/ene -

Austrijsko državljanstvo može biti dod/j/eljeno, i u narednim slučajevima, a ispunjeni su gore navedeni opšti uslovi / opći uvjeti:

1. **bez čekanja:**

- ako je osoba već 10 godina pos/j/edovala austrijsko državljanstvo i nije ga izgubila **oduzimanjem** (dod/j/ela je moguća samo sa legalnim boravkom u Austriji)
- ako Savezna vlada utvrdi da su prikazana i očekivana postignuća pojedinca od naročitog interesa za Republiku Austriju

2. osoba boravi **10 godina legalno i neprekidno na području Austrije**, od toga najmanje **pet godina sa dozvolom za nastanjenje** (Niederlassungsbewilligung).

Zakonsko pravo – zakonsko pravo na austrijsko državljanstvo, ako su ispunjeni opšti uslovi/opći uvjeti imaju osobe:

1. **bez čekanja:**

- **malolj/etna, neoženjena/neudata d/j/eca**, ako je bar **jedan roditelj (ili usvojitelj) austrijski državljanin**. (Podnosilac zaht/j/eva mora imati dozvolu o nastanjenju ili azil ili legitimacijsku kartu, osim ako roditelj duže od 12 mjeseci legalno boravi u inostranstvu/inozemstvu).

2. **nakon 6-godišnjeg** legalnog i neprekidnog boravka:

- **bračni partneri i registrovani istopolni partneri austrijskih državljana**, ukoliko žive u zajedničkom domaćinstvu i brak/partnerstvo postoji **najmanje 5 godina**;
- osobe sa **priznatim statusom azila**;
- državljani **zemalja EEP-a**;
- osobe **rođene u Austriji**;
- osobe koje su **naročitim postignućima** na naučnom/znanstvenom, privrednom, um/j/etničkom ili sportskom polju od posebnog interesa za Republiku;

3. osobe koje legalno i neprekidno borave najmanje **15 godina** u Austriji i postoji dokazana lična/osobna i radna **integracija**;

4. osobe sa neprekidnim boravakom od **30 godina** u Austriji.

Austrijsko državljanstvo se, pod gore navedenim općim uvjetima / opštim uslovima može proširiti na:

- a. **bračnu d/j/ecu**, vanbračnu d/j/ecu supruge i vanbračnu d/j/ecu supruga, ako za njih imaju pravo starateljstva, kao i usvojenu **malolj/etnu** i neudatu/neoženjenu d/j/ecu, koja legalno borave na području Austrije (bez čekanja).
- b. **bračni partneri i registrovani istopolni partneri**, koji žive u zajedničkom domaćinstvu, nakon 6 godina vlastitog zakonitog boravka i pet godina u legalnom braku/registrovanom istopolnom partnerstvu.

(Navedene osobe moraju imati dozvolu za naseljavanje ili priznati status azila ili legitimacijsku kartu)

Pozor/Pažnja!!

Budući su ovdj/e za našu klijentelu navedene najvažnije odredbe Zakona o državljanstvu, molimo Vas, da se za detaljnije informacije obratite nadležnoj vlasti; u Beču – MA 35, Dresdner Str. 93 / Block C, 1200 Wien ili kod nas u Savjetovalište. Ujedno napominjemo i mogućnost provlačenja grešaka, unatoč savjesnoj obradi, pa stoga ne možemo jamčiti za preuzete izvode iz ovog sažetka.

Männer und Frauen: 1010 Wien, Hoher Markt 8/4/2 Tel: 712 56 04	Frauen: 1010 Wien, Marc Aurel Straße 2a/6/2/10 Tel: 982 33 08
http://www.migrant.at E-Mail: migrant@migrant.at	http://www.migrant.at E-Mail: migrantin@migrant.at
Diese Publikation wird aus Mitteln des Arbeitsmarktservice sowie der Magistratsabteilung 17 gefördert.	
 AMS Arbeitsmarktservice Wien	 StoDt+Wien Wien ist anders. WIEN IST VIELFALT. MA 17